

Ed.

939. Frumvarp

til laga um heimild handa landsstjórninni til að skipa nefnd til að ákveða verðlag á vörum.

(Eftir 2. umr. i Ed.)

1. gr.

Landsstjórninni skal heimilt að láta ákveða verðlag á innlendri og útlendri nauðsynjavöru og öðrum vörum, og í því skyni skipa nefnd 5 manna, og skal einn þeirra skipaður eftir tillögum Búnaðarfjelags Íslands og annar eftir tillögum Fiskifjelags Íslands.

2. gr.

Landsstjórnin getur undanskilið þessum ákvæðum þær innlendar vörur, sem útflutningsbann er nú á eða kann að verða lagt á, að fengnum tillögum Búnaðarfjelags Íslands, ef landbúnaðarafurðir eru, og Fiskifjelags Íslands, ef sjávarafurðir eru, svo og verðlagsnefndar.

3. gr.

Akvæðum verðlagsnefndar um verðlag má skjóta til stjórnarráðsins, og fellir það úrsritaúrskurð um það mál.

4. gr.

Landsstjórnin setur með reglugerð ákvæði um starfsvið nefndarinnar og um önnur atriði til framkvæmda á lögum þessum. — Í reglugerð má leggja sektir við brotum á lögum þessum, reglugerð og ákvörðun um verðlag, svo og ákveða meðferð mála út af slikum brotum.

5. gr.

Lög þessi öðlast þegar gildi, og falla þá eldri lagafyrirmæli um þetta efni niður.